

nium malitiose impediretur, postea tamē generalius loquitur, dicens: Nisi Ordinarius ipse expedire iudicauerit, vt prædictæ denūciationes remittantur, quod illius prudentiæ & iudicio Sancta Synodus relinquit: nam vt supra probauimus, clausula hæc ad vtrumque casum refertur: quia si Ordinarij prudentiæ & iudicio remittitur, quod plus est, nempe remittere in totum prædictas denūciationes siue banna, à fortiori videtur eidem concessum quod minus est, nempe differre prædictas monitiones ad tempus celebrati iam Matrimonij, ante ipsius tamen consummationem. Quo loco attestatur prædictam resolutionem approbatam esse hodie per declarationem Reuerendissimorum Cardinalium ad interpretationem dubiorum Sacro Sancti Concilij Triden. deputatorum, qui proprijs terminis declarauerunt præfati Concilij decretum in hunc modum. Episcopus potest, etiam post contractum Matrimonium, ante illius consummationem, si ita expedire iudicauerit, secundum eius prudentiam & iudicium, ex aliqua causa arbitrio suo, remittere denūciationes, & si nō sit suspitio quod Matrimonium malitiose impediatur. Ex quo poterit